



COMUNU DE CUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

## **MUSTRAS, PRESENTADAS, CUNTZERTOS, PIECES TEATRALES: A QUARTU 3 DIES DE CULTURA**

Fine chida ricu de eventos culturales a Quartu intre mustras, presentadas de libros, cuntzertos, pieces teatrales e s'abertura de domos traditzionales antigas cun sa torrada de Lollas. S'Amministratzione punta cun cumbinchimentu subra de s'importu fintzas sotziale de is iniziative e gràtzias a su programa 'Quartu Torrada a leare 2021' e a sa collaboratzione cun s'Assòtziu Entes Locales pro is Fainas culturales e de ispetàculu at cuncordau unu calendàriu de iniziative longu, aviadu in istiu e sighidu in atòngiu, chi andat como a illuminare unu nadale in manera piessigna intensu.

Giai oe, chenàbura 3 nadale, dòpiu apuntamentu a s'ex Cunventu de is Frades Capucinos. A is 17 at a bènnere difatis inaugurada sa segunda editzione de sa mustra 'Giogus - Fintzas is mannois giogaiant'. Organizada dae s'Assòtziu culturale Fèmminas, cun sa collaboratzione de s'Assòtziu Su Idanu e de su colletzionista Roberto Contu, s'espositzione permetet de fàghere unu brincu in su passadu e torrare a iscobèrrere is chi fiant is asciugàrios e is giogos pro s'infàntzia de is pipios de unu tempus. At a èssere visitàbile in sa Sala de is Teche de s'istòrica istrutura de bia Brigada Sassari de is 16.30 a is 20.

Nella Sala Afriscas de s'ex Cunventu, a is 17, pro sa rassegna 'Addòbios Literàrios' a s'ex Cunventu de is Frades Capucinos, s'at a tènnere in prus sa presentada de su libru "Sa Sennora de sa Seta. S'Istraordinària istòria de Francesca Sanna Sulis", de Ada Lai. Pighende ispunto de is chircas longas de su giornalista Lucio Ispiga, s'autora at chertu ripercorrere s'aventurosu fatu de don Francesca, imprendidora, stilista e benefatora, chi aiat resèssidu a coniugare famiglia e afares e a istare a su passu cun òmines de pòdere comente a su nòbile lombardu Giulio Giulini e su timidu Ministru Bogino. Un'istòria de emantzipatzione femminile ante litteram, chi at atzisadu meda s'iscritora, ateretantu impinnada in sa politica ativa e in su campu de su sotziale. Francesca Sanna Sulis si fiat distintu difatis a is ogros de is contemporàneos suos pro àere ischidu esprimere, in totu is campos s'ispinta riformadora de su tempus suo: sa seta sua aiat passadu su mare de Sardigna e aiat biagiadu pro bestire damas e

printzipessas de domo Savoja, puru sa tzarina Callina de Rùssia chi, in su retratu cunservadu a s'Ermitage de San Pietroburgu bestit etotu una creatzione sua.

Sabato 4 a is 16.30 in su chiostru est in prus prevididu un'ispetàculu de marionetas a cura de s'Assòtziu Teatru Tages, mentras domìniga 5, a is 17, in sa matessi location est in programa unu cuntzertu a cura de su coro de giòvanos Clara Boghe. In ambos casos s'intrada est de badas, previa presentada de su Green Pass.

Su 4 nadale est previdida fintzas s'abertura de is itineràrios aia difùndidu programados in s'àmbitu de sa rassegna 'Lollas', chi ocannu cumprendet is sedes de Ischit Dom'e Farra, torrada a abèrrere a su pùblicu pròpiu in occasione de custas festividades natalizie, Casa Olla, su Teatrino de s'Oratòriu in bia Eligio Porcu, Casa Basciu in bia Eligio Porcu e Casa Puxeddu in bia Martini. Sa manifestatzione previdet un'apuntamentu fissu in su merie de is 18 a is 20, cun sa 'Sa Casa Contat', unu focus subra de s'istòria de is fainas traditzionales. Si signalant, in particolare, in domo Puxeddu su 4 nadale 'Favola de Natale', a cura de Ananché, e su 5 nadale in domo Basciu 'Natale cun is Elfos', de su Teatru de su Sale.

Su Teatrino de s'Oratòriu in bia Eligio Porcu at a andare a iscena sa Piece 'Artículos pro Sennoras' tratat de su libru omònimu de sa giornalista Maria Francesca Chiappe. Un'aprofundimentu subra de sa disparità de gènere, subra de su dislivellu sotziale intre òmines e fèminas, chi ripercorre is crònacas de s'Unione Sarda a traessu de 130 annos de istòria de su giornale. Su cuidadu traballu de chirca de Maria Francesca Chiappe, in antis don capocronista de su cuotidianu, benint riproposti de su traballu de s'atoressa Elisa Pistis e de su chitarrista Luca Pauselli, chi acumpàngiant su pùblicu a traessu de unu biàgiu chi permetet de cumprèndere chie fiamus, lassende a banda is cabos morales e integrende su contadu cun momentos irònicos. Connòschere su passadu nostru permetet difatis de interpretare mègius su presente, sotaliniende chi totu su chi oe paret iscontadu, in realidade, gasi iscontadu no est e chi su percursu pro s'emantzipatzione est ancora longu e rechet sa partetzipatzione de totus, sena distintzione de gènere.

In prus cun 'Artistas e Artisanos a s'òpera' sunt in programa dimustratziones de traballu interessantes e espositziones de produtos. Cun s'obietivu de sensibilizare is tzitadinos e agiudare sa campagna de adotzione ant a bènnere in prus ammaniados apòsitos àngulos 'Amici animales', ue, in collaboratzione cun is assòtzios animaliste, at a èssere dada sa possibilitade de afidu, in prus de chi sa bèndida de gadgets e sa collida de fundos.